



SLUŽBENE NOVINE

KANTONA SARAJEVO

Godina XXIV – Broj 38

Četvrtak, 26. septembra 2019. godine
SARAJEVO

ISSN 1512-7052

KANTON SARAJEVO

Vlada Kantona Sarajevo

Na osnovu člana 126. tačka d) i člana 77. stav (5) Zakona o policijskim službenicima Kantona Sarajevo ("Službene novine Kantona Sarajevo", br. 38/18 i 26/19), člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 37. sjednici održanoj 12.09.2019. godine, donijela je

UREDBU

O PROCEDURI U SLUČAJU PREKOBROJNOSTI POLICIJSKIH SLUŽBENIKA UPRAVE POLICIJE MINISTARSTVA UNUTRAŠNJIH POSLOVA KANTONA SARAJEVO

POGLAVLJE I - OPĆE ODREDBE

Član 1. (Predmet Uredbe)

Ovom uredbom utvrđuju se kriteriji, uvjeti, način i postupak utvrđivanja prekobrojnosti policijskih službenika za čijim radom je potpuno ili djelimično prestala potreba zbog smanjenja obima posla policijskog organa ili reorganizacije policijskog organa ili kada je konačnom odlukom nadležnog organa utvrđeno postojanje sigurnosne smetnje za pristup tajnim podacima u skladu sa zakonom koji reguliše oblast zaštite tajnih podataka.

Član 2. (Cilj)

Do smanjenja broja policijskih službenika odnosno do proglašenja prekobrojnim dolazi zbog smanjenja obima posla policijskog organa ili reorganizacije policijskog organa ili kada je konačnom odlukom nadležnog organa utvrđeno postojanje sigurnosne smetnje za pristup tajnim podacima u skladu sa zakonom koji reguliše oblast zaštite tajnih podataka.

Član 3. (Prekobrojnost)

- (1) Prekobrojnim će biti proglašen onaj policijski službenik za čijim radom je potpuno ili djelimično prestala potreba zbog smanjenja obima posla policijskog organa ili reorganizacije policijskog organa, koji na osnovu bodovanja svih pojedinačnih kriterija utvrđenih u članu 4. stav (1) ove uredbe, ostvari najmanji broj bodova.

- (2) Prekobrojnim će biti proglašen onaj policijski službenik kojem je konačnom odlukom nadležnog organa utvrđeno postojanje sigurnosne smetnje za pristup tajnim podacima u skladu sa zakonom koji reguliše oblast zaštite tajnih podataka ukoliko ne ispuni jedan od uvjeta utvrđenih u članu 4. stav (3) ove uredbe.
- (3) Policijski službenik iz stava (2) ovog člana će se proglasiti prekobrojnim i u slučaju da mu je od strane nadležnog organa penzijskog i invalidskog osiguranja utvrđena promijenjena radna sposobnost i invalidnost II kategorije.

POGLAVLJE II - KRITERIJI I UVJETI ZA UTVRĐIVANJE PREKOBROJNOSTI

Član 4. (Kriteriji i uvjeti prekobrojnosti)

- (1) U slučaju smanjenja obima posla policijskog organa ili reorganizacije policijskog organa, prekobrojnost policijskog službenika se utvrđuje na osnovu sljedećih kriterija:
 - a) dužina staža osiguranja i učešće u ratu;
 - b) ocjena rada;
 - c) zdravstveno stanje;
 - d) stručna sprema;
 - e) socijalne prilike.
- (2) Policijski službenik se proglašava prekobrojnim u slučaju kada je konačnom odlukom nadležnog organa utvrđeno postojanje sigurnosne smetnje za pristup tajnim podacima u skladu sa zakonom koji reguliše oblast zaštite tajnih podataka.
- (3) Prije proglašavanja prekobrojnim policijskog službenika iz stava (2) ovog člana neophodno je utvrditi sljedeće uvjete:
 - a) može li se policijski službenik rasporediti na drugo radno mjesto policijskog službenika za koje ispunjava propisane uvjete, internim premještanjem unutar Uprave policije;
 - b) može li se policijski službenik rasporediti na drugo radno mjesto za koje je predviđen niži čin uz njegov vlastiti pristanak, a za koje ispunjava ostale uvjete propisane važećim Pravilnikom o unutrašnjoj organizaciji Ministarstva unutrašnjih poslova Kantona Sarajevo;
 - c) da li ispunjava uvjete za prestanak radnog odnosa radi odlaska u prijevremenu starosnu penziju shodno odredbama propisa koji reguliše oblast penzijsko-invalidskog osiguranja.

Član 5. (Kriterij dužina staža osiguranja i učešće u ratu)

Kriterij dužina staža osiguranja i učešće u ratu se boduje na sljedeći način:

- a) preko navršenih 30 godina - 30 bodova;
- b) preko navršenih 25 godina - 25 bodova;
- c) preko navršenih 20 godina - 20 bodova;
- d) preko navršenih 15 godina - 15 bodova;
- e) preko navršenih deset godina - deset bodova;
- f) preko navršenih pet godina - pet bodova;
- g) učešće u ratu u odbrani Bosne i Hercegovine - za svaku navršenu godinu učešća pet bodova.

Član 6.

(Kriterij ocjena rada)

Kriterij ocjena rada se boduje na slijedeći način:

- a) ukoliko je posljednja ocjena rada policijskog službenika "odličan" - deset bodova;
- b) ukoliko je posljednja ocjena rada policijskog službenika "vrlo dobar" - osam bodova;
- c) ukoliko je posljednja ocjena rada policijskog službenika "dobar" - šest bodova;
- d) ukoliko je posljednja ocjena rada policijskog službenika "zadovoljava", četiri boda.

Član 7.

(Kriterij zdravstveno stanje)

Kriterij zdravstvenog stanja se boduje na slijedeći način:

- a) vojni invalidi - prema procentu invalidnosti - pola boda (0,50) po procentu invalidnosti;
- b) invalidi rada - deset bodova.

Član 8.

(Kriterij stručna sprema)

Kriterij stručne sprema se boduje na slijedeći način:

- a) visoka stručna sprema - 15 bodova;
- b) viša stručna sprema - deset bodova;
- c) srednja stručna sprema - pet bodova.

Član 9.

(Kriterij socijalne prilike)

- (1) Kriterij socijalnih prilika se boduje na slijedeći način:
 - a) ako izdržava lice sa smetnjama u psiho-fizičkom razvoju - 12 bodova;
 - b) ako je samohrani roditelj ili staratelj - deset bodova;
 - c) ako sam izdržava članove porodice - porodica sa dva člana - dva boda, porodica sa tri člana - tri boda, porodica sa četiri člana - četiri boda, porodica sa pet i više članova - pet bodova.
- (2) Članovima porodica se smatraju lica koja su kao takva definisana važećim Porodičnim zakonom Federacije Bosne i Hercegovine.

POGLAVLJE III - NAČIN ODREĐIVANJA
PREKOBROJNOSTI

Član 10.

(Komisija za određivanje prekobrojnosti)

- (1) Bodovanje policijskih službenika na osnovu kriterija utvrđenih ovom uredbom kao i utvrđivanje ispunjavanja uvjeta za proglašenje prekobrojnim policijskog službenika shodno članu 4. ove uredbe vrši Komisija za određivanje prekobrojnosti.
- (2) Komisija iz stava (1) ovog člana ima tri člana (predsjednik i dva člana) koje imenuje Vlada Kantona Sarajevo, od kojih je jedan član Sindikata policije Kantona Sarajevo.
- (3) Vlada Kantona Sarajevo imenuje Komisiju iz stava (2) ovog člana na zahtjev Uprave policije.

Član 11.

(Nadležnosti Komisije za određivanje prekobrojnosti)

- (1) Komisija za određivanje prekobrojnosti vrši prikupljanje podataka po kriterijima koji se boduju, kao i po uvjetima koji su propisani ovom uredbom u zavisnosti od slučaja zbog kojeg se provodi procedura prekobrojnosti.

- (2) Rezultate bodovanja - Lista ostvarenih bodova policijskih službenika (pregledom broja bodova po osnovu svakog kriterija pojedinačno i zbirni broj bodova za svakog policijskog službenika) Komisija za određivanje prekobrojnosti dostavlja policijskom komesaru Uprave policije na nadležno postupanje najkasnije u roku od 15 dana od dana okončanja prikupljanja podataka po kriterijima koji su propisani ovom uredbom.

- (3) U slučaju prekobrojnosti iz člana 4. stav (1) ove uredbe, na listu iz stava (2) ovog člana uvrštavaju se svi policijski službenici istog čina u Upravi policije.

- (4) Komisija za određivanje prekobrojnosti dostavlja izvještaj policijskom komesaru o ne/ispunjavanju uvjeta iz člana 4. stav (3) ove uredbe najkasnije u roku od 15 dana od dana okončanja prikupljanja podataka po uvjetima koji su propisani ovom uredbom.

Član 12.

(Pristup podacima Komisije za određivanje prekobrojnosti)

- (1) U svrhu određivanja prekobrojnosti i prikupljanja podataka koji se odnose na kriterije i uvjete propisane ovom uredbom, Komisija za određivanje prekobrojnosti ima pravo da zahtijeva od Uprave policije i njenih organizacionih jedinica i policijskih službenika za koje se utvrđuje prekobrojnost i drugih relevantnih organa, dostavljanje potrebnih podataka.
- (2) Komisija za određivanje prekobrojnosti ima pravo pristupa i obrade podacima u skladu sa odredbama važećeg Zakona o zaštiti ličnih podataka i Zakona o zaštiti tajnih podataka.
- (3) Uprava policije, njene organizacione jedinice, policijski službenici za koje se utvrđuje prekobrojnost i drugi relevantni organi dužni su surađivati sa Komisijom za određivanje prekobrojnosti i dostaviti sve tražene podatke potrebne za obavljanje poslova iz nadležnosti navedene komisije.

Član 13.

(Proglašenje prekobrojnim)

- (1) Prekobrojnim se proglašava policijski službenik koji nakon bodovanja od strane Komisije za određivanje prekobrojnosti ima najmanje bodova, odnosno koji ne ispunjava niti jedan od uvjeta iz člana 4. stav (3) ove uredbe.
- (2) Rješenje o prekobrojnosti policijskog službenika donosi policijski komesar najkasnije u roku od 15 dana nakon dostavljanja Liste, odnosno Izvještaja iz člana 11. ove uredbe.
- (3) Ako dva ili više policijskih službenika imaju isti broj bodova, prekobrojnim biće proglašen onaj koji je ostvario manji broj bodova po osnovu staža osiguranja odnosno koji je mlade životne dobi ukoliko su ostvarili isti broj bodova po osnovu staža osiguranja.
- (4) Policijski komesar dužan je prije donošenja rješenja o prekobrojnosti o istom obavijestiti Sindikat policije Kantona Sarajevo.

POGLAVLJE IV - ZAŠTITA PRAVA POLICIJSKIH
SLUŽBENIKA

Član 14.

(Žalba)

- (1) Policijski službenik može podnijeti žalbu Policijskom odboru Vlade Kantona Sarajevo u roku od osam dana od dana prijema rješenja o prekobrojnosti iz člana 13. stav (2) ove uredbe.
- (2) Žalba iz stava (1) ovog člana odgađa izvršenje rješenja.

Član 15.

(Odluka po žalbi)

- (1) Policijski odbor Vlade Kantona Sarajevo je obavezan u roku od 30 dana od dana ulaganja žalbe donijeti odluku.
- (2) Odluke Policijskog odbora Vlade Kantona Sarajevo su konačne i izvršne, s tim da mogu biti predmet sudskog preispitivanja u skladu sa važećim zakonima i dostavljaju se podnosiocu žalbe u roku od osam dana od dana donošenja.

Član 16.

(Postupanje Uprave policije nakon proglašenja prekobrojnim policijskog službenika)

- (1) Policijski službenik koji je proglašen prekobrojnim može biti premješten unutar policijskog organa uz vlastiti pristanak i na upražnjeno radno mjesto za koje je predviđen niži čin i za koje ispunjava ostale uvjete propisane važećim Pravilnikom o unutrašnjoj organizaciji Ministarstva unutrašnjih poslova Kantona Sarajevo.
- (2) U slučaju da ne postoji mogućnost postupanja u skladu sa stavom (1) ovog člana, policijskom službeniku koji je proglašen prekobrojnim pravosnažnom odnosno konačnom odlukom, prestaje radni odnos u skladu sa relevantnim odredbama Zakona o policijskim službenicima Kantona Sarajevo koje se odnose na osnove prestanka radnog odnosa.

Član 17.

(Naknada za slučaj prekobrojnosti)

Policijskom službeniku kojem prestaje radni odnos u Upravi policije zbog prekobrojnosti, pripada pravo na naknadu u skladu sa važećim zakonskim i drugim propisima i aktima o plaćama i naknadama policijskih službenika Kantona Sarajevo.

Član 18.

(Zabrana proglašenja prekobrojnim)

U slučaju smanjenja obima posla ili reorganizacije policijskog organa za vrijeme trudnoće, porodiljskog odsustva, te ukoliko je policijskom službeniku do ostvarenja prava na starosnu penziju ostalo manje od pet godina rada, policijski službenik se ne može proglasiti prekobrojnim.

POGLAVLJE V - PRELAZNE I ZAVRŠNE ODREDBE

Član 19.

(Ravnopravnost spolova)

Gramatička terminologija u ovoj uredbi podrazumijeva uključivanje oba spola.

Član 20.

(Stupanje na snagu)

Ova Uredba stupa na snagu narednog dana od dana objavljivanja u "Službenim novinama Kantona Sarajevo".

Broj 02-05-33018-8/19
12. septembra 2019. godine
Sarajevo

Premijer
Edin Forto, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 12. Odluke o osnivanju Javne ustanove "Centar za napredne tehnologije u Sarajevu" ("Službene novine Kantona Sarajevo", br. 28/18 i 6/19), Vlada Kantona Sarajevo, na 37. sjednici održanoj 12.09.2019. godine, donijela je

ODLUKU

O DAVANJU SAGLASNOSTI NA PRAVILNIK O UNUTRAŠNJOJ ORGANIZACIJI I SISTEMATIZACIJI POSLOVA I RADNIH MJESTA JAVNE USTANOVE "CENTAR ZA NAPREDNE TEHNOLOGIJE U SARAJEVU"

I

Daje se saglasnost na Pravilnik o unutrašnjoj organizaciji i sistematizaciji poslova i radnih mjesta Javne ustanove "Centar za napredne tehnologije u Sarajevu", broj 141-010/19 od 28.08.2019. godine.

II

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-33018-52/19
12. septembra 2019. godine
Sarajevo

Premijer
Edin Forto, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i broj 37/14 - Ispravka) i člana 19. Zakona o predškolskom odgoju i obrazovanju u Kantonu Sarajevo ("Službene novine Kantona Sarajevo", br. 26/08 i 21/09), Vlada Kantona Sarajevo, na 37. sjednici održanoj 12.09.2019. godine, donijela je sljedeću

ODLUKU

O DAVANJU PRETHODNE SAGLASNOSTI ZA OSNIVANJE PREDŠKOLSKE USTANOVE "BAMBINI"

I

Daje se prethodna saglasnost "A&T" društvo sa ograničenom odgovornošću za trgovinu i usluge, sa sjedištem u ulici Garovci bb, Industrijska zona 2, Hadžići, koju predstavlja Amel Tahirović, državljanin Bosne i Hercegovine, nastanjen u Sarajevu, za osnivanje Predškolske ustanove "Bambini", sa sjedištem u ulici Garovci broj 2, Općina Hadžići.

II

Nalaže se primaocu saglasnosti iz tačke I ove Odluke da u skladu sa članom 19. do 24. Zakona o predškolskom odgoju i obrazovanju u Kantonu Sarajevo ("Službene novine Kantona Sarajevo", br. 26/08 i 21/09) realizira sve potrebne aktivnosti za osnivanje i početak rada Ustanove i nakon toga podnese zahtjev Ministarstvu za obrazovanje, nauku i mlade Kantona Sarajevo za utvrđivanje uslova za početak rada ustanove.

III

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-33018-55/19
12. septembra 2019. godine
Sarajevo

Premijer
Edin Forto, s. r.

Na osnovu člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 25. stav (2) Zakona o ustanovama ("Službeni list RBiH", br. 6/92, 8/93 i 13/94) i člana 4. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13), Vlada Kantona Sarajevo, na 37. sjednici održanoj 12.09.2019. godine, donijela je sljedeće

RJEŠENJE

O RAZRJEŠENJU VRŠIOCA DUŽNOSTI PREDSJEDNIKA I ČLANOVA UPRAVNOG ODBORA JAVNE USTANOVE "KANTONALNI ZAVOD ZA ZAŠTITU KULTURNO-HISTORIJSKOG I PRIRODNOG NASLIJEĐA SARAJEVO"

I

Razrješavaju se vršioci dužnosti predsjednika i člana Upravnog odbora Javne ustanove "Kantonalni zavod za zaštitu kulturno-historijskog i prirodnog naslijeđa Sarajevo" zbog isteka mandata:

1. Sanja Vlaisavljević, predsjednik
2. Hamdija Dizdar, član
3. Amela Spahić, član
4. Edin Hadžagić, član
5. Mirha Šabanović, član (ispred ustanove).